

Ecce video cœlos apertos, & Filium hominis stantem à dextris virtutis Dei.

In secundo Nocturno,

Añã. Filii hominum scitote quia Dominus sanctum suum mirificavit.

Psalmus 4.

Cum invocarem, exaudivit me Deus justitiæ meæ: * in tribulatione dilatasti mihi.

*Miserere mei, * & exaudi orationem meam.*

*Filii hominum usquequò gravi corde? * ut quid diligitis vanitatem, & quæritis mendacium?*

*Et scitote quoniam mirificavit Dominus sanctum suum: * Dominus exaudiet me, cum clamavero ad eum.*

*Irascini, & nolite peccare: * quæ dicitis in cordibus vestris, in cubilibus vestris compungimini.*

*Sacrificate sacrificium justitiæ, & sperate in Domino. * Multi dicunt: Quis ostendit nobis bona?*

Sig-

*Signatum est super nos lumen vultus tui Domine: * dedisti lætitiã in corde meo.*

*A fructu frumenti, vini, & olei sui * multiplicati sunt.*

*In pace in idipsum * dormiam, & requiescam;*

*Quoniam tu Domine singulariter in spe * constituisti me.*

Gloria Patri. Sicut erat.

Añã. Filii hominum scitote quia Dominus sanctum suum mirificavit.

Añã. Scuto bonæ voluntatis tuæ coronasti eum Domine.

Psalmus 5.

Verba mea auribus percipe Domine, * intellige clamorem meum.

*Intende voci orationis meæ, * Rex meus, & Deus meus.*

*Quoniam ad te orabo: * Domine, manè exaudies vocem meam.*

*Manè astabo tibi, & videbo: * quoniam non Deus volens iniquitatem tu es.*

H 2

Ne-

Neque habitabit juxta te malignus: * neque permanebunt iniqui ante oculos tuos.

Odisti omnes, qui operantur iniquitatem: * perdes omnes, qui loquuntur mendacium.

Virum sanguinum & dolosum abominabitur Dominus: * ego autem in multitudine misericordiae tuae,

Intrabo in domum tuam: * adorabo ad templum sanctum tuum in timore tuo.

Domine deduc me in justitia tua: * propter inimicos meos dirige in conspectu tuo viam meam.

Quoniam non est in ore eorum veritas: * cor eorum vanum est.

Sepulchrum patens est guttur eorum, linguis suis dolose agebant, * iudica illos Deus.

Decidant a cogitationibus suis; secundum multitudinem impietatum eorum expelle eos, * quoniam irritaverunt te Domine.

Et

Et laetentur omnes, qui sperant in te, * in aeternum exultabunt: & habitabis in eis.

Et gloriabuntur in te omnes, qui diligunt nomen tuum, * quoniam tu benedices justo.

Domine, ut scuto bonae voluntatis tuae * coronasti nos.

Gloria Patri. Sicut erat.

Añā. Scuto bonae voluntatis tuae coronasti eum Domine.

Añā. In universa terra gloria & honore coronasti eum.

Psalmus 8.

Domine Dominus noster, * quam admirabile est nomen tuum in universa terra!

Quoniam elevata est magnificentia tua * super caelos.

Ex ore infantium & lactentium perfecisti laudem propter inimicos tuos, * ut destruas inimicum & ultorem.

Quoniam videbo caelos tuos, opera

digitōrum tuōrum: * lunam & stel-
las, quæ tu fundāsti.

Quid est homo, quōd memor es
ejus? * aut filius hōminis, quōniam
vīsitas eum?

Minuisti eum paulò minùs ab An-
gelis, glōria & honōre coronāsti
eum: * & constituisti eum super
ōpera mānuum tuārum.

Omnia subjecisti sub pēdibus
ejus, * oves & boves univērsas,
insuper & pēcora campi;

Volucres cœli, & pisces maris, *
qui perāmbulant sēmitas maris.

Dōmine Dōminus noster, * quā
admirābile est nomen tuum in
univērsa terra!

Glōria Patri. **S**icut erat.

An̄a. In univērsa terra glōria & ho-
nōre coronāsti eum. **V.** Posuisti Dō-
mine super caput ejus. **R.** Corōnam
de lapide pretiōso. **P**ater noster.

Absolutio. **I**psius pietas & mise-
ricōrdia nos ādjuvet, qui cum Pa-
tre & Spīritu sancto vivit & regnat

in

in sēcula seculōrum. **R.** Amen.

V. Jube domne benedicere. **Bene-
dictio.** Deus Pater omnīpotens sit
nobis propītiūs & clemens.

R. Amen.

Sermo S. Fulgēntii Epīscopi.

Serm. de S. Stéphanō, circa initium.

Lectio iv.

HEri celebrāvimus temporālem
sempitēni Regis nostri natā-
lem: hōdiē celebrāmus triumphā-
lem militis passiōnem. Heri enim
Rex noster trābea carnis indūtus,
de aula úteri virginālis egrēdiens,
visitāre dignātus est mundum: hō-
diē miles de tabernāculo cōrporis
éxiens, triumphātor migrāvit ad
cœlum. Ille sempitērnæ Deitātis
majestāte servāta, servīle cinctō-
rium carnis assūmens, in hujus sé-
culi campum pugnatūrus intrāvit:
iste, depōsitis corruptibīlibus cōr-
poris indumentis, ad cœli palātium
perēnniter regnatūrus ascēdit. Ille
descēdit carne velātus: iste ascēn-

H 4 dit

dit sángine laureátus. Tu autem Dómine miserère nobis. **R.** Deo grátias.

R. Lapidábant Stéphanum invocántem & dicéntem: * Dómine Jesu Christe, áccipe spíritum meum: & ne státuas illis hoc peccátum. **Ÿ.** Pósitis autem génibus clamávit voce magna, dicens: Dómine Jesu Christe, áccipe spíritum meum; & ne státuas illis hoc peccátum.

Ÿ. Jube domne benedícere. **Benedictio.** Christus perpétuæ det nobis gáudia vitæ. **R.** Amen.

Lectio v.

Ascéndit iste lapidántibus Judæis, quia ille descéndit lætántibus Angelis. Glória in excélsis Deo, heri sancti Angeli exultántes cantavérunt: hódie Stéphanum lætántes in suum consórtium suscepérunt. Heri Dóminus exívit de útero Vírginis: hódie miles egréssus est de ergástulo carnis. Heri Chris-

tus

tus pro nobis pannis est involútus: hódie Stéphanus stola est ab eo immortalitátis indútus. Heri prasépis angústia Christum portávit infántem: hódie imménsitas cœli suscepit Stéphanum triumphántem. Sólus Dóminus descéndit, ut multos eleváret: humiliávit se Rex noster, ut suos milites exaltáret. Tu autem Dómine miserère nobis. **R.** Deo grátias.

R. Impetum fecérunt unánimèter in eum, & ejecérunt eum extra civitátem, invocántem & dicéntem: * Dómine Jesu áccipe spíritum meum. **Ÿ.** Et testes deposuérunt vestiménta sua secus pedes adolescentis, qui vocabátur Saulus: & lapidábant Stéphanum invocántem & dicéntem. Dómine Jesu áccipe spíritum meum.

Ÿ. Jube domne benedícere. **Benedictio.** Ignem sui amóris accéndat Deus in córdibus nostris.

R. Amen.

H 5

Lec-

Lectio vj.

Necessarium tamen nobis est, fratres, agnoscere, quibus armis præcinctus Stéphanus sævitiã Judæorum pótuit superâre, ut ità meruisset feliciter triumphâre. Stéphanus ergo, ut nóm̃inis sui corónam meruisset accipere, charitãtem pro armis habêbat, & per ipsam ubique vincêbat. Per charitãtem Dei, sæviéntibus Judæis non cessit: per charitãtem próximi pro lapidãntibus intercêssit. Per charitãtem arguêbat errãntes, ut corrigerentur: per charitãtem pro lapidãntibus orãbat, ne puniréntur. Charitãtis virtúte subnixus vicit Saulum crudéliter sæviéntem: & quem habuit in terra persecutórem, in cœlo méruiť habêre consórtem. Tu autem Dómine miserere nobis. *R.* Deo grãtias.

R. Impii super justum jactúram fecerunt, ut eum morti tráderent:

* At ille gaudens suscepit lápides,
ut

ut mererêtur accipere corónam glóriæ. *¶* Continuérunt aures suas, & ímpetum fecerunt unanimiter in eum. At ille gaudens suscepit lápides ut mererêtur accipere corónam glóriæ. Glória Patri, & Fílio, & Spirítui sancto. At ille gaudens suscepit lápides, ut mererêtur accipere corónam glóriæ.

In tertio Nocturno,

Antiphona. Justus Dóminus, & justítiam diléxit: æquitãtem vidit vultus ejus.

Psalmus 10.

IN Dómino confido: quómódò dicitis ánimæ meæ: * Trásmigra in montem sicut passer?

Quóniam ecce peccatóres intendérunt arcum, paravérunt sagittas suas in pháretra, * ut sagittent in obscúro rectos corde.

Quóniam quæ perfecisti, destruxérunt: * justus autem quid fecit?

Dóminus in templo sancto suo, * Dóminus in cœlo sedes ejus:

Oculi ejus in páuperem respiciunt: *
pálpebræ ejus intérogant filios hó-
minum.

Dóminus inrérrogat justum & ím-
pium: * qui autem díligit iniquitá-
tem, odit ánimam suam.

Pluet super peccatóres láqueos: *
ignis, & sulphur, & spíritus pro-
cellárum, pars cálicis eórum.

Quóniam justus Dóminus, & jus-
títias diléxit: * æquitátem vidit
vultus ejus.

Glória Patri. Sicut erat.

Aña. Justus Dóminus, & justí-
tiam diléxit: æquitátem vidit vul-
tus ejus.

Aña. Habitábit in tabernáculo tuo:
requiescet in monte sancto tuo.

Psalmus 14.

Domine, quis habitábit in ta-
bernáculo tuo? * aut quis
requiescet in monte sancto tuo?

Qui ingréditur sine mácula, * &
operátur justítiam:

Qui lóquitur veritátem in corde
suo,

suo, * qui non egit dolum in lin-
gua sua:

Nec fecit próximo suo malum, *
& oppróbrium non accèpit advér-
sus próximos suos.

Ad níhilum deductus est in cons-
pectu ejus malignus: * tímèntes
autem Dóminum glóricat:

Qui jurat próximo suo, & non dé-
cipit, * qui pecúniam suam non
dedit ad usúram, & múnera super
innocéntem non accèpit.

Qui facit hæc, * non movébitur
in ætérnum. **Glória Patri.**

Aña. Habitábit in tabernáculo tuo:
requiescet in monte sancto tuo.

Aña. Posuisti Dómine super caput
ejus corónam de lápide pretiôso.

Psalmus 20.

Domine in virtúte tua lætábi-
tur rex: * & super salutáre
tuum exultábit vehementer.

Desidérium cordis ejus tribuísti ei: *
& voluntáte labiôrum ejus non frau-
dásti eum.

Quó-

Quoniam pravenisti eum in benedictionibus dulcedinis : * posuisti in capite ejus coronam de lapide pretioso.

Vitam petiit a te , * & tribuisti ei longitudinem dierum in seculum, & in seculum seculi.

Magna est gloria ejus in salutari tuo : * gloriam & magnum decorem impones super eum.

Quoniam dabis eum in benedictionem in seculum seculi : * laetificabis eum in gaudio cum vultu tuo.

Quoniam rex sperat in Domino : * & in misericordia Altissimi non commovebitur.

Inveniatur manus tua omnibus inimicis tuis : * dextera tua inveniat omnes qui te oderunt.

Pones eos ut cibus ignis in tempore vultus tui : * Dominus in ira sua conturbabit eos , & devorabit eos ignis.

Fructum eorum de terra perdes : * & semen eorum a filiis hominum.

Quo-

Quoniam declinaverunt in te mala ; * cogitaverunt consilia , quae non potuerunt stabilire.

Quoniam pones eos dorsum : * in reliquiis tuis preparabis vultum eorum.

Exaltare Domine in virtute tua : * cantabimus & psallemus virtutes tuas.

Gloria Patri. **S**icut erat.

Añ. Posuisti Domine super caput ejus coronam de lapide pretioso.

Y. Magna est gloria ejus in salutari tuo. **R.** Gloriam & magnum decorem impones super eum. **P**ater noster. **Absolutio.** **A** vinculis peccatorum nostrorum absolvat nos omnipotens & misericors Dominus.

R. Amen.

Y. Jube domne benedicere. **Benedictio.** Evangelica lectio sit nobis salus & protectio. **R.** Amen.

Léc-

Lectio sancti Evangelii secundum Matthæum.

Lectio vij. Cap. 23. d

IN illo tempore: Dicebat Jesus Scribis & Pharisæis: Ecce ego mitto ad vos Prophetas, & sapientes, & Scribas, & ex illis occidētis, & crucifigētis. Et reliqua.
Homilia sancti Hieronymi Presbyteri.

Lib. 4. Comment. in cap. 23. Matth.

Hoc quod antea dixeramus: Implere mensuram patrum vestrorum; ad personam Domini pertinere, eò quod occidendus esset ab eis: potest & ad discipulos ejus referri, de quibus nunc dicit: Ecce ego mitto ad vos Prophetas, & sapientes, & Scribas. Simulque observa, juxta Apostolum scribentem ad Corinthios, varia esse dona discipulorum Christi: alios Prophetas, qui ventura prædicent: alios sapientes, qui novērunt quando debeant proferre sermonem: alios
Scri-

Scribas in lege doctissimos, ex quibus lapidatus est Stephanus, Paulus occisus, crucifixus Petrus, flagellati in Actibus Apostolorum discipuli. Tu autem Domine miserere nobis. *R.* Deo gratias.

R. Stephanus servus Dei, quem lapidabant Judæi, vidit cælos apertos: vidit & introivit: * Beatus homo, cui cæli patébant. *Ps.* Cùm igitur saxorum crepitantium turbine quateretur, inter æthereos aulae cælestis sinus divina ei claritas fulsit. Beatus homo, cui cæli patébant. *Ps.* Jube domne benedicere.
Benedictio. Cujus festum colimus, ipse intercédât pro nobis ad Dominum. *R.* Amen.

Lectio viij.

Quærimus, quis sit iste Zacharias filius Barachia: quia multos legimus Zacharias. Et ne libera nobis tribueretur erroris facultas, additum est: Quem occidistis inter templum & altare. In diversis
di-

diversa legi: & debeo singulorum opinionones ponere. Alii Zachariam filium Barachiae dicunt, qui in duodecim Prophetis undecimus est: patrisque in eo nomen consentit: sed ubi occisus sit inter templum & altare, Scriptura non loquitur: maxime cum temporibus ejus vix ruinae templi fuerint. Alii Zachariam patrem Joannis intelligi volunt, ex quibusdam apocryphorum somniis approbantes, quod propterea occisus sit, quia Salvatoris predicaverit adventum. Tu autem Domine miserere nobis. *R.* Deo gratias.

R. Patefactae sunt januae caeli Christi martyri beato Stephano, qui in numero martyrum inventus est primus: * Et ideo triumphat in caelis coronatus. *V.* Mortem enim quam Salvator noster dignatus est pro nobis pati, hanc ille primus reddidit Salvatori. Et ideo triumphat in caelis coronatus. *Gloria*
Pa-

Patri, & Filio, & Spiritui sancto. Et ideo triumphat in caelis coronatus. *V.* Jube domne benedicere. **Benedictio.** Ad societatem civium supernorum perducat nos Rex Angelorum. *R.* Amen.

Lectio ix.

Alii istum volunt esse Zachariam, qui occisus est a Joas rege Judae inter templum & altare, sicut Regum narrat historia. Sed observandum, quod ille Zacharias non sit filius Barachiae, sed filius Joadae sacerdotis: unde & Scriptura refert: Non fuit recordatus Joas patris ejus Joadae, quia sibi fecisset bona. Cum ergo & Zachariam teneamus, & occisionis consentiat locus: quaerimus, quare Barachiae dicatur filius, & non Joadae? Barachia lingua nostra benedictus Domini dicitur, & sacerdotis Joadae justitia Hebraeo nomine demonstratur. In Evangelio, quo utuntur Nazareni, pro filio Ba-

Barachíæ, filium Jójadæ reperimus scriptum. Tu autem Dómine miserere nobis. *R.* Deo grátias.

Te Deum laudamus. 65.

A D L A U D E S.

Versus.

DEus in adiutorium meum inténde. *R.* Dómine ad adiuvandum me festína. *Gloria Patri. Sicut erat. Alleluia.*

Añã. Lapidaverunt Stéphanum, & ipse invocabat Dóminum, dicens: Ne státuas illis hoc peccátum.

Psalmus. Dóminus regnavit. cum reliquis, ut suprã, fol. 69.

Añã. Lápides torréntis illi dulces fuérunt: ipsum sequúntur omnes animæ justæ.

Añã. Adhæsít ánima mea post te, quia caro mea lapidáta est pro te, Deus meus.

Añã. Stéphanus vidit coelos apértos, vidit & introívit: beátus homo, cui cœli patébant.

Añã. Ecce video coelos apértos, & Je-

Jesum stantem à dextris virtútis Dei.

Capitulum.

Actor. 6. b

STéphanus autem plenus grátia & fortitúdine, facièbat prodígia, & signa magna in pópulo. *R.* Deo grátias.

Hymnus.

INvícte martyr, únicum Patris secútus Fílium, Victis triúmphas hóstibus, Victor fruens coeléstibus.

Tui precátus múnere Nostrum reátum díluë, Arcens mali contágium, Vitæ repéllens tædium.

Solúta sunt jam víncula

Tui sacráti córporis:

Nos solve vinclis séculi

Dono supérni Núminis.

Jesu, tibi sit glória,

Qui natus es de Vírgine,

Cum Patre, & almo Spírítu,

In sempitérna sécula. Amen.

v. Sepeliérunt Stéphanum viri timo-

mórati. *R.* Et fecérunt planctum magnum super eum.

Ad Benedictus, Antiphona.

Stéphanus autem plenus grátia & fortitúidine, facièbat signa magna in pópulo.

V. Dóminus vobíscum. *R.* Et cum spíritu tuo.

Orémus. Oratio.

DA nobis, quæsumus Dómine, imitari quod cólimus, ut discâmus & inimicos dilígere: quia ejus natalítia celebrâmus, qui novit etiâ pro persecutóribus exorâre Dóminum nostrum. *R.* Amen.

Deinde fit commemoratio de Nativitate, Aña. Glória in excélsis Deo, & in terra pax homínibus bonæ voluntâtis, allelúia, allelúia. *V.* Notum fecit Dóminus, allelúia. *R.* Salutâre suum allelúia.

Orémus. Oratio.

Concède quæsumus omnipotens Deus: ut nos Unigéniti tui nova per carnem natívitas liberet,

ret, quos sub peccáti jugo vetústa sérvitus tenet. Per eúndem. *R.* Amen.

V. Dóminus vobíscum. *R.* Et cum spíritu tuo. *V.* Benedicâmus Dómino. *R.* Deo grátias. *V.* Fidélium ánimæ per misericórdiam Dei requiescant in pace. *R.* Amen.

AD PRIMAM.

Pater noster. Ave Mariá. Credo. Post V. Deus in adjutórium. *Glória Patri, & Hymnum.* Jam lucis orto sídere, *ut suprâ. f. 84.*

Aña. Lapidavérunt Stéphanum. *Psalmus.* Deus in nómine tuo. *Beáti immaculáti. Retribue, ut ibidem, fol. 88.*

Aña. Lapidavérunt Stéphanum, & ipse invocâbat Dóminum, dicens: Ne státuas illis hoc peccátum.

Capitulum. Regi seculórum, cum reliquis, *ut suprâ in festo Nativitatis Domini. 90.*

Pro Lectione brevi dicitur Capitulum Nonæ hujus Festi.

AD

192 **In fest. S. Steph. Prot.**

AD TERTIAM.

Pater noster. Ave María.

Post V. Deus in adiutorium.

Glória Patri, & Hymn. Nunc sancte nobis Spíritus, ut supra. 94.

Aña. Lápides torrentis. Psalmi.

Legem pone mihi. Memor esto.

Bonitatem fecisti, ut ibidem, fol. 98.

Aña. Lápides torrentis illi dulces fuerunt: ipsum sequuntur omnes animæ justæ.

Capitulum. Actor. 6. b

STÉphanus autem plenus grátia & fortitúdine, faciēbat prodígia, & signa magna in pópulo. **R. Deo grátias.**

R. br. Glória & honóre, * Coronásti eum Dómine. Glória & honóre coronásti eum Dómine. V. Et constituísti eum super ópera mánuum tuárum. Coronásti eum Dómine. Glória Patri, & Filio, & Spíritui sancto. Glória & honóre coronásti eum Dómine. V. Posuísti

Dó-

In fest. S. Steph. Prot. 193

Dómine super caput ejus. R. Corónam de lápide pretiósó. V. Dóminus vobíscum. R. Et cum spíritui tuo.

Oremus.

Oratio.

DA nobis, quæsumus Dómine, imitari quod colimus, ut discamus & inimicos diligere: quia ejus natalitia celebramus, qui novit etiam pro persecutoribus exorare Dóminum nostrum Jesum Christum. **R. Amen.**

V. Dóminus vobíscum. R. Et cum spíritui tuo. V. Benedicamus Dómino. R. Deo grátias. V. Fidélium animæ per misericórdiam Dei requiescant in pace. R. Amen.

AD SEXTAM.

Pater noster. Ave María.

Post V. Deus in adiutorium.

Glória Patri, & Hymn. Rector potens verax Deus, ut supra, f. 122.

Aña. Adhæsit ánima mea. Psalmi.

Defecit in salutare. Quómódó dilexi. Iniquos odio hábui, ut ibidem, fol. 103.

Aña.